

CATŪRTDĪN,
1947. g. 1. majā
Nr. 52. (265.)
Cena 15 kap.

Latvijas TAISNEIBA

LATVIJAS K(b)P
DAUGAVPILS APRINĀ
KOMITEJAS
UN APRINĀ
IZPYLDKOMITEJAS
ORGANS

LAI DZEIVOJ 1. MAJS —

vysu zemju dorbaļaužu ceļas spēku skates diņa!

(Nu VK(b)P CK aicinājumiem 1947. gada 1. majā)

Padūmju Savineiba — tautu mira un breiveibas bolsts

Šudņ myusu varenōs socialistiskōs Dzimtines tautas un vysu zemju un pasaules daļu dorbaļaužu miljoni cīši saslāgtōs kolonōs atzeimej sovu nauzvaramūs kaujas spēku skates diņu — Pirmū Majū. Mes, padūmju cylvāki varam byut lapni un laimeigi, ka myusu zemes legendari varūneigōs tautas sovas bolševiku partijas un sova genialō vodūņa bīdra Stalina vadeibā šymā vysu cīļvēces revolucionarūs un progresivūs spēku leļajā skatē atsarūn pirmōs ryndōs un drūši sūļoj pretim galeigai komunisma uzvarai.

Šū namērstamū slavu un gūda vītu padūmju tautas īkarōja ar sovom varūneigom ceļom un upurim, ar pōrcīļvēciskom pyulem un rodušū komunisma ceļnīceibas dorbu.

Lelō Tēvijas kara gunīs Padūmju Savineiba sagraōve spēceigōkūs storptautiskōs reakcijas centrus — fašistiskū Vōciju un imperialistiskū Japonu, kas apdraudēja pasaules civilizaciju, nese vērdzeibu, bodu un nōvi Eiropas un Azijas tautom. Šymā gigantiskā kaujā ar Lenina-Stalina idejom apgorōtō padūmju tauta, izpyldūt sovu vēsturiskū misiju, atbrēivōja Vokoreiropas tautas nu fašistiskōs tiranijas un vērdzeibas un deve īspēju tom nūsastōt uz breiveibas un patīsas demokratijas ceļa.

Tōpēc šudņ kūpā ar mums zam augsti pacaltim breiveibas karūgim breivi svinej Pirmū Majū atbrēivōtōs Polijas, Dīnvydslavijas, Bulgārijas, Čechoslovakijas, Rumānijas un cytas Vokoreiropas tautas.

Šūs laimeigūs tautu un vysas progresivōs cīļvēces sirdis Lenina—Stalina partijas Pirmū Majā aicinōjumi pylāda ar lelōkū ticeibu un pōrlīceibu, ka nav vairs taidu spēku pasaulē, kuri byutu spējeigi nūlaupeit ar dōrgōkū varūneigūs ceineitōju ašni īkarōtū breiveibu, ka vysī jauna pasaules kara kū-

rynōtōju tymši spēki naizbāgami sabrukst pret progresivim un revolucionarim cīļvēces spēkim, kuru priekšgolā kai naijemams citūkšnis, kai ceļrōdes zvaigzne atsarūn myusu socialistiskō Dzimtine.

Un myusu svāts pīnōkums sekmeigi izpīldeit sovas Tāvzemes saimnīceibas atjaunōšonas un tōļōkōs atteisteibas grandiozū ceļnīceibas programu, kura īraksteita caturtōs Stalina pīcgades planā. Myusu uzdavums ar vyslelōkū spēku saspryndzinojumu vērst plašumā VK(b)P CK Plenuma vēsturiskō lēmuma dzeivē izvesšonu par lauksaimnīceibas pīlneigu atjaunōšonu un uzturvīlu pōrpīlneibas rasšonu. Kotrs myusu sasnāgums ir nōvejūšs trīcīņs storptautiskōs reakcijas atlikom un jauna kara kurynōtōjim. Kotrs myusu sasnāgums styprynoņ vysu zemju dorbaļaužu ceļas sporu par pīlneigu reakcijas un kara kurynōtōju sakōvi so vōs zemēs.

Pi šūs lelūs uzdavumu atrysynōšonas stōjusēs vysa padūmju tauta. Vysas myusu zemes plašumi pōrklōti ar jaunceļtnem. Ar kotru diņu sōc dorbōtīs, atjaunōti un jaunuzcaltī ryupnīceibas uzjāmumi. Padūmju Savineibas varūneigō strōdnīku škira stōda par sovu uzdavumu leidz 1950. godam nūdūt ekspluatacijā 5900 uzjāmumu, kas nūteikts pīcgades planā. Pīlsātas-varūnes Leningradas strōdnīku īrysynoņums izpīldeit šōgoda ražōšonas planu leidz Oktobra revolucijas trejdsasmytai godadīnai atskanēja kai kaujas saucīņs pa vysu myusu zemi un izraisēja mīlzeigu socialistiskōs saceņseibas brōzmu par pīcgades plana izpīldeišonu čet-rūs godūs.

Altaja zemkūpu vēstule bīdram Stalinam par šō goda augstōs ražas sa-snēgšonu pōrsavērtē par vysas padūmju zemnīceibas kaujas programu. Vysu myusu Dzimtines republiku, nūvodu un apgobolu zemnīki-

dūd sūļejumu bīdram Stalinam īkarōt šūgod augstōkū pēckara ražu. Šei lelō apsa-jīmšona rast lauksaimnīceibas produktu pōrpīlneibu jau pōrsavērš par teišameibu. Nu tōļō Altaja leidz Baltijas jūuras krostim myusu zemes teirumūs arvīnu plašōk izap-lota spēceigais socialistiskōs

saceņseibas vīļnis par bīdram Stalinam dūtō sūļejuma iz-pīldeišonu. Šei varenō vysas padūmju zemnīceibas saceņ-seiba īsadag ari myusu ap-riņka ikvīna zemnīka un traktorista sirdī. Padūmju Savineibas tautas varūndorbus apbreinoņ vysa pasaule. Padūmju Savinei-

bas tauta Lenina—Stalina partijas un bīdra Stalina vadeibā īt pretim naradzātām uzplaukumam. Ikvīns padūmju cylvāks ar lelōkū ticeibu un pōrlīceibu šudņ raugōs gaišajā komunistiskā nōkūtnē un stōv nūmūdā par mīru un breiveibu vysā pasaulē.



